

**FEDERALNO MINISTARSTVO RADA I SOCIJALNE POLITIKE
EKONOMSKO- SOCIJALNO VIJEĆE ZA TERITORIJU FEDERACIJE
BOSNE I HERCEGOVINE**

Broj: 03-34/19-
Sarajevo, 24.08.2010. godine

Z A P I S N I K

sa 73. sjednice Ekonomsko-socijalnog vijeća za teritoriju Federacije Bosne i Hercegovine, održane dana 24.08.2010.godine u 16,00 sati.

Sjednicom predsjedava gospodin Edhem Biber, predsjedavajući Ekonomsko-socijalnog vijeća.

Sjednici prisustvovali:

Mustafa Mujezinović, Premijer Vlade FBiH

Dr. Perica Jelečević, federalni ministar rada i socijalne politike, Desnica Radivojević, federalni ministar trgovine, Ismet Bajramović, predsjednik Saveza samostalnih sindikata BiH, Rifat Mahmutović, predsjednik Sindikata komunalne privrede, Salih Kruščica, predsjednik Samostalnih sindikata državnih službenika i namještenika u organima državne službe, sudskoj vlasti i javnim ustanovama u FBiH, Omer Sikira, predsjednik Samostalnog sindikata elektroenergetskih radnika BiH, Salem Hujić, predsjednik Samostalnog sindikata radnika šumarstva, prerade drveta i papira BiH, Mladen Pandurević, Selim Babić i Edin Ibrahimpašić ispred Udruženja poslodavaca Federacije BiH.

Sjednici nisu prisustvovali:

Vjekoslav Bevanda, federalni ministar financija, Vahid Hećo, federalni ministar energije, rudarstva i industrije, Nail Šećkanović, federalni ministar prometa i komunikacija, Predrag Čović, Eldin Brčaninović ispred Udruženja poslodavaca Federacije BiH. Umjesto ministra Vahida Heće bio je prisutan zamjenik Stipo Buljan, a umjesto ministra Vjekoslava Bevande prisutana je bila g-đa Mira Bradara.

Osim članova Ekonomsko-socijalnog vijeća sjednici su prisustvovali:

Zdenko Šiunović, Predsjednik FERK-a, Zoran Dekić, BSI Jajce, Vladimir Božić, Aluminij Mostar i Ernevaza Hrustanović ispred stručne službe ESV-a.

DNEVNI RED

1. Usvajanje zapisnika se prethodne sjednice ESV-a;
2. Izmjene i dopune Sporazuma o osnivanju ESV-a i Poslovnika o radu ESV-a;
3. Prijedlog zakona o ESV;
4. Rasprava o odluci FERK-a o visini cijena električne energije;
5. Razno.

Prije početka sjednice socijalnim partnerima je podjeljena Informacija vezana za Zakon o reviziji privatizacije državnog kapitala u privrednim društvima i bankama, koja je prema dogovoru na predhodnoj sjednici dostavljena ispred Ministarstva energije, rudarstva i industrije.

Ad.1.

Zapisnik sa 72. sjednice usvojen uz napomenu da u tački Ad.1 umjesto - Stipe Buljan ispred Ministarstva rada i socijalne politike, stoji - Stipe Buljan ispred Federalnog Ministarstva energije, rudarstva i industrije.

Ad.2.

Po pitanju Izmjena i dopuna Sporazuma o osnivanju ESV-a i Poslovnika o radu ESV-a predstavnici Sindikata smatraju da je napravljene promjene trebalo definisati preciznije i da nije vrijeme za povećavanje broja članova, a time i troškova ESV-a. Izjasnili su se protiv mjenjanja Sporazuma i Poslovnika i traže da se rad nastavi prema postojećim dokumentima.

Predstavnici Poslodavaca su izjavili da nemaju ništa protiv predloženog ili postojećeg broja članova ESV-a. Smatraju da pozicija predsjedavajućeg ili predsjednika ESV-a nije jasno definirana. Predlažu da se zbog neusaglašenosti ova tačka skine s dnevnog reda i raspravlja na predstojećoj sjednici ESV-a.

Predstavnici Vlade smatraju da je prijedlog dobar jer doprinosi kvaliteti i značaju rada ESV-a, te stoga predlažu da se Izmjene Sporazuma prihvate.

S obzirom da se socijalni partneri nisu usaglasili sa predloženim izmjenama Sporazuma o osnivanju ESV-a, zaključeno je da se organizuje konsultativni sastanak na kome će pored predsjednika i 3 podpredsjednika ESV-a prisustvovati i Premijer Vlade FBiH g-din Mustafa Mujezinović.

U vezi predloženog teksta Izmjena Sporazuma o osnivanju ESV-a zadužuje se resorno ministarstvo da pripremi obrazloženje predloženog rješenja.

Ad.3.

Nakon informacije koju je podnijela g-đa Ernevaza Hrustanović iz Federalnog ministarstva rada i socijalne politike o fazi u kojoj se nalazi Prednacrt zakona o Ekonomsko Socijalnom Vijeću zaključeno je da se po dobivanja mišljenja od Ureda za zakonodavstvo i usklađivanja sa propisima Evropske unije, predstavnici socijalnih partnera sastanu, razmotre dobijena mišljenja i nove sugestije iznesene na sjednici ESV-a od strane predstavnika Poslodavaca i naprave korekcije. Uz to treba uzeti u obzir da Federalno ministarstvo financija nije dalo suglasnost na tekst Prednacrt zakona.

Poslije zajedničkog sastanka socijalni partneri će biti ponovo informisani o Prednacrtu zakona na jednoj od narednih sjednica, nakon čega bi Prednacrt zakona trebao biti upućen Vladi FBiH na razmatranje i utvrđivanje Nacrt zakona o ESV-a.

Ad.4.

Na osnovu diskusije doneseni su slijedeći zaključci:

- 1. Ekonomsko-socijalno vijeće traži od Vlade Federacije BiH da hitno provede zaključak br. 5 Parlamenta FBiH („Službene novine Federacije BiH“, br. 40/09, od 02.06.2009. godine).**
- 2. Ekonomsko-socijalno vijeće traži od Vlade Federacije BiH da se u naredne dvije sedmice održi tematska sjednica Vlade FBiH, na kojoj će biti razmatrani uslovi poslovanja privrednih subjekata na nivou Federacije BiH, kao i trenutna neravnopravnost potrošača električne energije. Osim članova Vlade Federacije BiH i socijalnih partnera, sjednici bi prisustvovali predstavnici FERK-a, J.P. Elektroprivrede BiH, Elektroprivrede HZHB, kvalifikovani potrošači, eksperti sa fakulteta, akademske zajednice i dr.**
- 3. Ekonomsko-socijalno vijeće traži od Vlade Federacije BiH da nađe mogućnost kako bi se od dobiti javnih kompanija iz elektroenergetskog sektora pomoglo privrednim subjektima, odnosno potrošačima električne energije na 110 kW, koji su kao kupci u nezavidnom položaju.**

Ad.5.

Prijedlog predstavnika Sindikata g-dina Bajramovića je da se sazove vanredna sjednica ESV-a na kojoj bi se raspravljalo o:

- Informaciji o aktivnostima na prevazilaženju teške situacije u privredi sa osvrtom na najugroženija preduzeća,
- Zakonu o plaćama i naknadama u organima vlasti Federacije BiH.

Termin vanredne sjednice ESV-a i dnevni red biće određen nakon sastanka predstavnika ESV-a sa Premijerom Vlade FBiH i resornim ministrom.

Sjednica Ekonomsko-socijalnog vijeća zaključena je u 18.45 sati.

Sastavni dio ovog zapisnika je i stenogram koji se redovno vodi.

Zapisnik vodila i obradila
Snježana Kapić

Predsjedavajući
Ekonomsko-socijalnog vijeća
Edhem Biber